

'ի գմբեթն այն, և ոչ ոք գիտէր թէ ով թաղեալ է անդ. և այլազգիք պնդէին թէ քրիստոնեայք չունին իրաւունս ձեռն մխել յայն տեղի: Ապա ստուգեալ հաստատեցաւ թէ տեղին յորոյ վերայ շինեալ են Լատինք գմբեթ, էր տուն Ս. Աստուածածնի, որպէս ասէին քրիստոնեայք. Լատինք շինեալ էին զայն 'ի ձեւ եկեղեցւոյ եւ ուներ սեղան յարեւելս:

Սակայն տեղի եկեղեցւոյն սեփհականութիւն էր այլազգեաց: Կոչեաց դատաւորն 'ի ժողով անդր զվերահացուս շինութեան այնորիկ, որք էին՝ Լատին վերատեսու չն Սիոնի վանաց և այլք 'ի քրիստոնէից. և եհարց ցնոսա վասն այնր, և նորա խոստովան եղեն թէ՛ ինքեանք են պատճառ շինութեան եկեղեցւոյն, և դատաւորն սարտաւորեաց զնոսա կործանել զգմբեթն: Եւ զկնի այսմ քննութեան առաջի եղին այլազգիք Լատինաց զայլ իմն խնդիր կարեւոր. զի 'ի մէջ վանաց Սիոնի էր կամարակապ սենեակ ինչ, տեղի ժողովոյ Առաքելոց և իջման Հոգւոյն Սրբոյ, և ձեւ ինչ տապանի. իբր թէ իցէ գերեզման մարգարէին Դաւթի. քրիստոնեայք պնդէին վասն այնր թէ՛ 'ի վաղ ժամանակաց անտի է 'ի ձեռս իւրեանց, յորոյ վերայ բազմադիմի վէճս յարուցին այլազգիք՝ իբր 100 ամօք յառաջ⁽¹⁾. և խնդիրն եհաս մինչեւ յատեանս առաջին Սուլթանաց, և գրեցաւ յայնժամ հրովարտակ վասն այնր. յորմէ սաստկացաւ վէճն 'ի մէջ քրիստոնէից եւ այլազգեաց. երբեմն յափշտակէին զայն այլազգիք, և քրիստոնեայք դարձուցանէին. եւ խնդիրն մնաց անորոշ մինչ 'ի ժամանակս Մէլիք Չահր Չագմազի, եւ յատենի նորա վերստին քննեցաւ խնդիրն և տուաւ հրովարտակ 'ի թուին՝ 107 (1468): Որպէս գրեցաք յառաջագոյն. և 'ի սոյն թուականէ մնաց գերեզմանն Դաւթի 'ի ձեռս այլազգեաց. շինեցին անդ Ֆհրադ 'ի կողմն հիւսիսոյ, ուր էր երեւոյթն՝ զորմէ ասէին թէ՛ է գերեզման Դաւթի, և կարգեցին վերատեսուչ եւ ուճիկ 'ի

(1) Հայկական յիշատակարանն այսպէս յառաջ բերէ 1291 յամին՝ այլազգիք առին զՍիւն 'ի ձեռաց Լատինաց. և յետ ժամանակաց՝ միջնորդութեամբ Ռուպերթոս թագաւորին Արկղեոյ վերստին ժամանեցին զայն ամս իբր 15. և յետոյ իսպառ արտաքսեցան անտի: